



Na osnovu člana 86i. u vezi s članom 16. Zakona o Visokom sudskom i tužilačkom vijeću Bosne i Hercegovine („Službeni glasnik BiH”, br. 25/04, 93/05, 48/07, 15/08, 63/23 i 9/24), Visoko sudsko i tužilačko vijeće Bosne i Hercegovine, na sjednici održanoj 17. 7. 2024. godine, usvojilo je

**Pravilnik o izmjeni i dopuni Pravilnika Visokog sudskog i tužilačkog vijeća Bosne i Hercegovine u vezi s izvještavanjem o imovini i interesima**

Član 1.

U Pravilniku Visokog sudskog i tužilačkog vijeća Bosne i Hercegovine u vezi s izvještavanjem o imovini i interesima („Službeni glasnik BiH”, broj 20/24) član 22. stav (4) mijenja se i glasi:

„Član 22.  
(Registar izvještaja)

(4) Pristup izvještajima i povezanim informacijama imaju samo zaposlenici Odjela za provođenje postupka po izvještajima.

Iza stava (4) dodaje se novi stav (5) koji glasi:

(5) Izuzetno od stava (4), pristup izvještajima i povezanim informacijama imaju angažovani stručnjaci za vanjsko praćenje rada Odjela i disciplinskih postupaka u skladu s članom 86h. Zakona o VSTV-u, kao i ovlaštene zaposlenici Odjela za IKT u mjeri u kojoj je to neophodno za vršenje njihovih dužnosti – tehničkog održavanja i podrške elektronskom sistemu (softveru) za podnošenje izvještaja.

Dosadašnji stavovi (5) i (6) postaju (6) i (7).

Iza stava (7) dodaje se novi stav (8) koji glasi:

(8) U skladu s članom 86b. stav (7) Zakona o VSTV-u, postupak provjere izvještaja je zatvoren za javnost te će se u tu svrhu podaci koji proizilaze iz ovog postupka tretirati kao povjerljivi.”

Član 2.

Član 25. stav (2) mijenja se i glasi:

„Član 25.

(Redovna provjera)

(2) Odjel za provođenje postupka po izvještajima provodi redovnu provjeru izvještaja u roku od 75 dana od njihove objave na internetskoj stranici.”

Član 3.

Član 30. mijenja se i glasi:

„Član 30.  
(Izuzeci u postupanju)

(1) Ukoliko institucija, ili pravno ili fizičko lice, ne dostavi informacije ili podatke tražene u skladu s članom 86c. stav (5) Zakona o VSTV-u BiH i članom 28. ovog Pravilnika u roku od 90 dana, Odjel će:

- a) postupiti na način propisan u članu 32. stav (1) ovog pravilnika, osim u slučaju da postoje opravdani razlozi za nepodnošenje zahtjeva za pokretanje prekršajnog postupka,
- b) sačiniti izvještaj u kojem će se navesti sve radnje koje su poduzete kako bi se dobili traženi podaci na vrijeme, a s ciljem pravovremenog okončanja dodatne provjere.

(2) Ukoliko nedostajuća informacija ne može u znatnoj mjeri uticati na ishod postupka dodatne provjere, šef Odjela će, neovisno o tome da li je podnesen zahtjev za pokretanje prekršajnog postupka ili ne, okončati postupak dodatne provjere donošenjem informacije o provedenoj kontroli na osnovu, u tom trenutku, dostupnih podataka, informacija i isprava provedene dodatne provjere.”

Član 4.  
(Stupanje na snagu)

Pravilnik o izmjeni i dopuni Pravilnika Visokog sudskog i tužilačkog vijeća Bosne i Hercegovine u vezi s izvještavanjem o imovini i interesima stupa na snagu danom objave u „Službenom glasniku Bosne i Hercegovine”.

Broj: 15-02-2-1106-3/2024  
Sarajevo, 17.07.2024. godine

